



STIFTINGA MUSEUMSSENTERET I HORDALAND
Salhusvegen 201
5107 SALHUS

Saksbehandlar, innvalstelefon

Solveig Kalvø Roald, 5557 2327

Tilsegn og utbetaling - Tilskot til trua naturtypar 2021 - skjøtsel og vedlikehald av kystlynghei. Lyngheisenteret på Lygra, Alver.

Stiftinga Museumssenteret i Hordaland får tilskot til skjøtselstiltak i Alver kommune. Tilskotet på 250.000 kroner blir utbetalt med det første.

Vi viser til søknaden din om 250.000 kroner til skjøtsel av verdifull kystlynghei på Lygra.

Fylkesmannen si vurdering og vedtak

Dei tiltaka det blir søkt om tilskot til er i samsvar med skjøtselsplanen for området.

Beløpet det blir søkt om er høgre enn om vi skulle ha nytta dei satsane vi har etablert for skjøtsel av kystlynghei. Museumssenteret driv på andre premissar enn private grunneigarar og vi er samde om at dette er meir kostnadskrevjande enn vanleg drift. Vi ser òg verdien av at lyngheisenteret er eit kompetansesenter for lyngheidrift for heile landet, og driv aktivt med formidling og kunnskapsoverføring. De får derfor tildelt 250.000 kroner, slik de har søkt om. Dette er om lag same beløp som er tildelt tidlegare, og vi veit av erfaring at det er bruk for eit beløp med denne storleiken. Midlane blir overførte til kontonummeret som var oppgjeve i søknaden med det første.

Vi meiner at dei planlagde tiltaka berre vil ha positive verknader for naturmangfaldet, jf. krav til vurdering i naturmangfaldlova § 7, og ser difor ikkje grunn til å kommentere dei miljørettslege prinsippa i naturmangfaldlova §§ 8 til 12 nærare.

Krav til rapportering og rekneskapsplikt

Sluttrapport skal registrerast i elektronisk søknadssenter seinast 1. oktober 2021.

For dei som er rekneskapspliktige etter rekneskapslova, skal bilag takast vare på i minst 5 år etter avslutting av rekneskapsåret.

For tilskot på meir enn kr 50.000 er det krav om skriftleg rapportering med rekneskap stadfesta av revisor.



Riksrevisjonen og Statsforvaltaren har rett til å føre tilsyn med at tilskotet vert brukt i samsvar med føresetnadene.

Tilskotet kan krevjast heilt eller delvis attende dersom det er utbetalt på feilaktige premissar.

Rett til å klage på vedtaket

Vedtaket om tilskot kan klagast til Miljødirektoratet, jf. § 28 i forvaltningslova. Klagefristen er tre veker etter at dette brevet er motteke. Ein eventuell klage skal sendast via Statsforvaltaren i Vestland.

Med helsing

Johannes Anonby
seniorrådgjevar

Solveig Kalvø Roald
seniorrådgjevar

Dokumentet er elektronisk godkjent

Kopi til:

Alver kommune Postboks 4 5906 FREKHAUG